

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNO TUŽILAŠTVO/ TUŽITELJSTVO
T R A V N I K

Broj: T06 0 KT 0034565 24

Datum, 30.05.2025.godine

OPĆINSKOM SUDU JAJCE
sudiji za prethodno saslušanje
J A J C E

Na osnovu člana 45. stav 1. i 2. tačka h), člana 241. stav 1. i člana 350. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ž N I C U

Potvrđena dana 19.06.2025. godine

Protiv :

R. M.

Zbog postojanja osnovane sumnje da je

I

Neutvrđenog dana u vremenskom periodu od 01.11.2023.godine do 18.12.2023.godine u mjestu Milaševci općina Dobretići, s ciljem pribavljanja protivpravne imovinske koristi oduzeo i prisvojio tuđu pokretninu, na način da je došao do kuće oštećenog M. L., te bez odobrenja oštećenog uz pomoć ključa koji se nalazio iznad ulaznih vrata, otključao ulazna vrata i ušao u kuću odakle je oduzeo i prisvojio kolutaru sa produžnim kablom iako je bio svjestan da takvim postupanjem oduzima tuđu pokretninu i da time može nanijeti štetu drugom, što je i htio, da bi ga dana 08.12.2023.godine zatekli kako izlazi iz kuće oštećenog, policijski službenici PS Jajce

dakle savladavanjem veće prepreke da dođe do stvari iz zatvorene zgrade oduzeo tuđu pokretnu stvar s ciljem da njenim prisvajanjem pribavi sebi protivpravnu imovinsku koristi

II

Neutvrđenog dana sve do 18.12.2023.godine u općini Dobretići, protivno odredbama 17. stav 1., člana 8. stav 1. tačka b) i stav 3. u vezi sa članom 7. stav 3. tačka d) Zakona o nabavci, držanju i nošenju oružja i streljiva SBK (Sl. n. SBK broj 12/2014 i broj 9/2015), bez odobrenja nabavio vatreno oružje - lovačku pušku dvocijevku, prelamaču, tzv „položaru“, proizvedena 1960 godine, marke Tula, model TOZ-63 kal 16/70, serijskog broja 39671-60, iako je znao da građanima nije dozvoljeno nabavljanje i držanje oružja bez odobrenja nadležnog organa, što je i htio, koje oružje je dobrovoljno predao policijskim službenicima PS Jajce

dakle, bez odobrenja nadležnog organa nabavio vatreno oružje

čime da bi počinio pod tačkom I. Teška krađa iz člana 287. stav 1. točka a) KZ FBiH a pod tačkom II krivično djelo iz člana 69. Zakona o nabavi, držanju i nošenju oružja i municije SBK, sve u vezi sa članom 54 KZ FBiH.

Na osnovu člana 78. KZ FBiH od osumnjičenog se trajno oduzima lovačka puška dvocijevka, prelamača, tzv „položara“, proizvedena 1960 godine, marke Tula, model TOZ-63 kal 16/70, serijskog broja 39671-60 i kolutara sa produžnim kablom.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.